

Шом ёки хуфтон намозидан кейин Мулк сурасини қироат қилиш



10:00 / 30.10.2022 1236

نَمْ دَرُوسٌ: لَأَقْمَلِسُو هِيَلَع لَلِصِيَّبِ لِنَلِنَعُ، عُنَّعُ لَلِضَرَّ رَرِيْرُهُ يَبَأَنَع
دُوَادُ وُبَأْ هَاوَر. «زِبْبُ بَرَّزُهُ لَرَفْعِي سِتْحَ اَوْحَاصِلُ غَفْشَتَّ عَيَّ نُوْثَ اَلْثِنِ اَرْوُلِ
يَذْمُرْتَلَاو»

Абу Хурайра розияллоҳу анхудан ривоят қилинади:

«Набий соллаллоҳу алайҳи васаллам:

«Аллоҳнинг китобида бир сура бор. Унинг оятлари ўттизта. У ўз соҳибини то у мағфират қилингунича шафоат қилади. «Табаарокаллазии биядиҳил Мулку», дедилар».

Абу Довуд ва Термизий ривоят қилишган.

Маккада нозил бўлган бошқа суралар каби, бу сура ҳам ақийда мавзусининг аслини муолажа қилади.

Мулк сураси учта асосий мақсадни ўз ичига олган:

1. Аллоҳнинг азамати, тирилтириш ва ўлдиришга қодирлиги.
2. Тангрининг ягоналигига далил ва ҳужжатлар келтириш.
3. Қиёматга ва ўлгандан сўнг қайта тирилишга ишонмайдиганларнинг оқибати нима бўлиши.

Шунинг учун ҳам бу суранинг фазли улуғ бўлган. Набий соллаллоҳу алайҳи васаллам уни мақтаганлар ва уни қироат қиладиганларга ушбу ҳадисдагига ўхшаб кўп нарсаларни ваъда қилганлар.

Ўз соҳибини то у мағфират қилингунича шафоат қилгани учун ҳам бу сураи карима «Шафоатчи» деб аталади. Шунинг учун ҳам бизнинг диёрларимизда уни дафндан кейин қабр устида ўқиш одатга айланган.